



## **Universitätsbibliothek Paderborn**

**Centvriæ Selectorvm Casvvm Conscientiae. I. II. III.tia**

**Burghaber, Adam**

**Fribvrgi Brisgoiæ, 1665**

37. Heriberto Episcopo beneficium Ecclesiæ dirutæ aliò transferenti  
immerito reclamat Maurus Appas, qui Ecclesiæ illius fuit Patronus  
Ecclesiasticus.

**urn:nbn:de:hbz:466:1-40942**

Ergo &c. Innocentium loc. cit. dicimus, intelligendum esse iuxta primam partem responsionis; atque sic patet ad argumentum in contrarium.

XXXVII. Heribertus Episcopus in diœcesi sua beneficium simplex Ecclesiae penitus dirutæ aliò per vniōnem transtulit, non requisito consensu Mauri Abbatis, qui Ecclesia illius Patronus idcirco reclamat. Quæritur. Vtrum translatio, & vniō hæc sit valida?

Videtur non valere, & iure reclamare Mautum. Ita Aloysius Riccius. Tom. I. praxis rerum quorid. Resol. 179. vbi magnâ Authoritate invaliditatem hanc astruit ex defectu consensûs Mauri, qui ratione fundi habet ius Patronatus iuxta illud: Patronum faciunt dos, & difficatio, fundus.

Resp. Translationem & vniōnem ab Heriberto factam valere, & im meritò reclamare Mautum. Probat. 1. Quia Ius Patronatûs destruktâ penitus Ecclesiâ omnino tollitur, vt docent Andreas Valens. L 3. tit. 38. n. 6. Pax Jordanus in suis elucubr. vol. 3. de re beneficiar. L. 10. tit. 7. n. 42. & Barbosa de pôtest. Episc. Allegat. 70 n. 6. & 7. vbiait, ius Patronatûs acquiri ab eo, qui Ecclesiam penitus destruktam reædificat. Ergo prius cum ruente Ecclesia corruit, & deperditum fuit. Prob. 2. Quando beneficium aliquod supprimendum est, vti sit in proposito, non requiritur consensus Patro-

ni Ecclesiastici, qualis est Maurus Abbas, sed tantum Laici, ut docet Pax Jordanus volum. 2. cit. L 10. tit. 29. n. 11. aiens, hoc liquere ex Trident. decreto sess. 24. de Reform. cap. 15. quod unicum videtur obstare. In eandem sententiam citantur Abbas, Felinus, Azor, qui aiunt, à Concilio nullam fuisse rationem habitam Patroni Ecclesiastici, sed tantum Laici.

Ad Authoritatem & fundamentum oppositæ sententiæ dicimus, in illis supponi, Ecclesiâ adhuc integrâ, & non funditus destruttâ, Patronum esse neglectum, quod secus se habet in casu nostro, ut ex dictis liquet.

XXXVIII. Hesychius in multis dubius hæret, num scilicet consensum morosæ delectationi dederit? num mortaliter detraxerit? num alienum retineat &c? Quæritur. An hæc confiteri debeat?

Videtur non teneri. Ita Marchant. in Trib. Sacrum. Tr. 4. 4. tit. 6. q. 5. Caramuel. in Theol. Mor. L 3. D. 4. n. 1078. & alij. Prob. Tum auctoritate Concilij Tridentini, quod Ses. 14. c. 5. ait, oportere à pœnitente omnia mortalia dici, quorum post diligentem sui discussionem conscientiam habet. Atqui dubitans, an verè peccaverit, nō potest dici, habere conscientiam peccati; etenim habere conscientiam, est certum esse de peccato. Tum quia dubius est in possessione suæ innocentiae. Tum quia ad tribunal forense deferri non solent dubia facta, Ergo nec ad Sacrum.

Resp: